

Hngakchia caah Bible

Achuahtu

A hmasa bik Thawhtthannak ni



Attial tu Edward Hughes
Hrilhfiang tu Janie Forest

Alettu Hre Ling
A hmagtu Lyn Doerksen

tuanbia 60 chung in 36 nak


www.M1914.org

Bible for Children, PO Box 3, Winnipeg, MB R3C 2G1 Canada

Lisen: Hi tuanbia hi Zawr awk si lo in hman awk ah copy le print tuah khawh a si.


Hakha

Ngaknu cu thawngpang a tam
ngaimi tlangpar ah a dir i,
a mit nih kharuahhar
thil a zoh. A fapa a
thi cuahmah ko.
Minu cu Mary a si.
Jesuh vailam i an
khenhnak pawngte
ah khan a dir ko.



1

Hi vialte hi zeitindah a
canning a si? Hi tluk in
nun aa dawhmi Jesuh nih
hitluk tthihnungmi in
a nunnak a dong
hi? Zeitindah
Pathian nih
Amah Fapa cu
vailam cungah thi
dingin nawl a pek kawh?
Jesuh nih Amah sinak in
sualnak a tuah hnga maw?
Pathian dah a rak sung hna?




2



Sihlah! Patian a sung lo.
Jesuh nih ze i sualnak
hmanh a rak tuah lo.
Mitthalo nih an ka thah
te lai ti cu Jesuh nih a
hngalh peng ko. Jesuh
a rak ngakchiat lio
zongah khan Simeon an
timi pa nih Mary kha
ngaihchiatnak na tong
te lai, a rak ti.


3



Jesuh an thah
hlan deuh ni
tlawmpal ah khan,
ngaknu pakhat a
ra i, Jesuh ke kha
zihmui a toih. "Tangka
a sawksam tuk," tiah a
zultu nih an ti. Jesuh
nih cun, "rianttha pei a
ttuan hi", a ti hna. "Ka ruak
tuamhlawmnak caah a tuahmi a si",
ati hna. Zeitluk kharuahhar bia dah an si!

4

Cu hnuah, Jesuh zultu
hleihnih lakah pakhat a
si vemi Judas nih Jesuh
kha ngun tangka 30 in
tlangbawi hna sin ah
zuar dingah a
hna atla.



5



Judahmi Lanhtakpuai ah,
Jesuh nih a zultu hna he zanriah
hnuhung bik an rak ei. Jesuh nih
Pathian kong i kharuahharmi thil
hna le Amah a dawtu hna sinah bia
a kammi kha a rak chimh hna. Cun
Jesuh nih changreu le hrai kha
phawt awakah a pek hna. Hi hna
hi Jesuh pum le thisen
cu a misual hna
sualngaihthiamnak
pek a si hngalh
tthannak caah a si.

6

Jesuh nih a lamkaltu hna kha nan ka hlawt lai i, nan
ka zaamtak lai, tiah a rak chimh hna. "Kan zaamtak
hrimhrim lai lo", tiah Peter nih a al. "Ar khuan
hlanah voithum tiang na ka hlawt lai", tiah Jesuh
nih a ti.




7



Cu zan tlaih deuhah,
Jesuh cu Gesmaane
dum ah thlacam dingin
a kal. A mah sin i
a ummi lamkaltu
hna cu an i hngilh.
Jesuh nih hitihin thla
a cam: "Maw Ka Pa, hi
hrai hin ka luatter
ko, sihmanhselaw ka
duhnak bang siter hlah,
nangmah duhnak bang
si ko seh" a ti.

8

Ruah lopi ah, dum chungah mibu an ra, Judah nih a rak hruai hna. Jesuh nih cun ze i hmanh a kham hna lo, asinain Peter nih pakhat hnakhaw tla ko in a sah. Daitein, Jesuh nih mipa hna cu a tonghpiak i a damter. Jesuh nih an tlaih kha Pathian hnatlakmi a si ti kha a hngalh ko.




9

Mibu nih cun Jesuh cu tlangbawi ngan inn ah an kal pi. Cuka ah cun Judah hruaitu hna nih Jesuh cu a thih hrimhrim awk asi, an ti. An pawngin, Peter cu sinum pakhat i mei kha a to pah i, a zoh ko hna.



10


Minung nih Peter cu Voithum tiang an ngiat i, hitihin an ti: "Jesuh he a rak ummi kha na si maw?" an ti. Peter nih voithum tiang aa pheh peng. Cucu Jesuh nih a rak chim ningte kha a si i, chiatserh biakhannak tiang a rak tuah.



11


COCK-A-
DOODLE-
DOO

Cu vial ah cun, ar a hung khuang. Cu aw cu Peter caah Pathian aw bantuk a si. Jesuh bia kha a hun hngalh tthan i, ngaichia ngaingai in Peter cu a tap.




12

Judah zong aa ngaichih ve. Jesuh nih ze i sualnak hmanh a tuah lo, ti kha a hngalh ko. Judah nih cun ngun tangka 30 cu a laak i tlangbawi hna sinah a va pek hna nain an rak la duh lo.




13

Judah nih cun tangka cu a hlonh, a chuak i amah le amah a vaa awk.



14




Tlangbawi hna nih cun Jesuh cu Rome ramuk bawi Pilate sinah an kalpi. Pilate nih, "Hi pa cungah sualnak zehmanh ka hmu lo," tiah ati hna. Sihmanhselaw, mibupi nih cun, "Vailam ah that ko! Vailam ah that ko"

tiah an au peng.

15


A donghnak ah, Pilate nih Jesuh kha vailamtah dingin nawl a pek hna. Ralkap pawl nih Jesuh cu an thongh, a hmaiah cil an chak i fung in an tuk. A chiahru tukmi luchin an ser i, hling saupi an zumter, a lu ah cun an namhchih. Cun, Jesuh cu vailam thing cungah thah dingin an kenhchih.



16


Hitihin ka thi te lai ti cu Jesuh nih a rak hngal peng ko. Amah cungah bochannak a ngeimi misual hna cu Amah thihnak thawngin ngaihthiamnak an hmu lai ti zong a rak theih cia ko.

Misual pahnih zong Jesuh he vailam ah an tah ve hna. Pakhat nih cun Jesuh kha a zumh i, Paradise ah a phan. Adang pakhat nih cun a zum duhlo.



17

Caan saupi a intuar hnuah, Jesuh nih: "A dih cang", a ti i a thi. A rian a lim cang. Hawikom hna nih pumpak thlan ah an rak phum.



18

Cun Rome ralkap nih thlan cu chingchiahnak (seal) an kenh i an cong. Atu cu, ahohmanh an lut in an chuak kho lo.



19

Hi vial lawng hin tuanbia donghnak a si ahcun zeitluk ngaihchia dah a si hnga! Sihmanhsehlaw Pathian nih khuaruahhar thil pakhat a tuah. Jesuh cu a thi peng lo!



20

Zarhkhat chung ni hmasa bik zingcate ah, Jesuh lamkaltu cheukhat nih thlan kharlung aa tthial kha an rak hmuh. Thlan chung an zoh tikah, Jesuh cu a rak um ti lo.



21

Nutung pakhat cu a ttap i thlan pawngah a taang ko. Jesuh nih cu minu sinah aa langh. Adang lamkaltu hna va chimh awkah rianrang in atli. "JESUH A NUNG KO. JESUH CU THIHNAK IN ATHO



TTHAN CANG."

22

Jesuh cu lamkaltu hna sinah a ra zau i a kut thir khenhnak hmape kha a hmuhsak hna. A hmaanmi a si. **JESUH CU A NUNG TTHAN CANG!** Peter i a hlawtnak kha a ngaihthiam, Amah kong kha mikip sinah phuang dingin a chimh hna. Cu hnuah, Krihsmas can hmasa bik lio i a rak ratnak vancung ah a kai tthan.

23

A hmasa bik Thawhtthannak ni

Pathian bia ah kan hmuh mi tuanbia hi, Bible,

chung ta a si

Matthew 26-28, Luke 22-24, John 13-21

"Na bia thiang nih ceunak a pek."
Salm 119:1330



Pathian cu thil tthalo kan tuah mi kha a hngalh. A ttha lo mi tuah cu sualnak a si. Sualnak man cu thinak a si.

Pathian nih a kan dawl tuk hringhran caah Afapa ngeihchun Zisuh a kan pek. Kan sualnak ngaihthiam awk ah kan mah aiawh in vailam cung ah a thi. Cu hnu ah thihnak in a tho tthan i, vancung ah a kal. Pathian long nih kan sualnak a ngaihthiam kho.

Na sualnak kha kal tak na duh ah cun, hitihin Pathian sin ah thlacam: Dawt tu Pathian, Zesuh Krih cu ka caah a thi i, a tho tthan cang. Maw Bawipa, ka sin ah ra law, ka sualnak vialte kha ka ngaihthiam ko. Maw Bawipa zungzal nunnak ka ngei i, na sin ah zungzal ka um nak hnga, ka sin ah ra law, ka sualnak kha ka ngaih thiam ko. Nafapa bantu in ka nun khawh nak hnga ka bawm ko. Amen. Johan 3:16